

01

《喜雨诗》

谢惠连

朱明振炎气，溽暑扇温飙。
羨彼明月辉，离毕经中宵。
思此西郊云，既雨盈崇朝。
上天悯憔悴，商羊自吟谣。

02

《庭雨应诏》

沈约

出空宁可图，入庭倍难赋。
非烟复非云，如丝复如雾。
霖霖裁欲垂，霏微不能注。
虽无千金质，聊为一辰趣。

03

《望夕雨诗》

刘苞

崇朝构行雨，薄晚屯密云。
缘阶起素沫，竟水散圆文。
河柳低未举，山桃落已芬。
清樽义不荐，淹留遂待君。

04

《对雨诗》

朱超

当夏苦炎埃，习静对花台。
落照依山尽，浮凉带雨来。
重云吐飞电，高栋响行雷。
洒树轻花发，滴沼细萍开。
泛沫萦阶草，奔流起砌苔。
无因假轻盖，徒然想上才。

05

《对雨诗》

庾信

繁云犹暗岭，积雨未开庭。
阶含侵角路，镗满溜疏萍。
湿杨生细榘，烂草变初萤。
徒劳看蚁对，无事祀灵星。

06

《在滁苦雨归桃花庵伤亲友略尽》

顾况

废弃忝残生，后来亦先天。
诗人感风雨，长夜何时晓。
去国宦情无，近乡归梦少。
庇身绝中授，甘静忘外扰。
丽景变重阴，洞山空木表。
灵潮若可通，寄谢西飞鸟。